

V L A D A

BOSNIA AND HERZEGOVINA

FEDERATION OF BOSNIA AND HERZEGOVINA

G O V E R N M E N T

Босна и Херцеговина
Federacija Bosne i Hercegovine
PARLAMENT FEDERACIJE
SARAJEVO

Broj: 03-04-724-2/22
Sarajevo, 23.06.2022. godine

PARLAMENT FEDERACIJE BOSNE I HERCEGOVINE

Dom naroda
n/p gosp. Senadu Ahmetoviću, izaslaniku
n/p gosp. Izmiru Hadžiavdiću, tajniku

Predmet: Odgovor na izaslaničko pitanje

Poštovani,

Sukladno odredbama članka 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10), a u svezi sa člankom 104. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09), u privitku Vam dostavljam akt Federalnog ministarstva poljoprivrede, vodoprivrede i šumarstva, broj: 03-1-20/7-1136/22 M.H. od 15. lipnja 2022. godine, koji sadrži odgovor na izaslaničko pitanje, koje je postavio izaslanik Senad Ahmetović.

S poštovanjem,




Privitak: kao u tekstu

Broj: 03-1-20/7-1136/22 M.H.
Sarajevo, 15.6.2022. godine

**BOSNA I HERCEGOVINA
FEDERACIJA BOSNE I HERCEGOVINE
GENERALNI SEKRETARIJAT
VLADE FEDERACIJE BOSNE I HERCEGOVINE**

n/r Edita Kalajdžić, sekretar Vlade W



PREDMET: Odgovor na poslaničko pitanje, dostavljamo -

Poštovana,

Vezano za Vaš akt broj: 03-04-724-2/22 od 3.6.2022. godine u kojem nam dostavljate poslaničko pitanje koje je postavio poslanik Doma naroda Parlamenta Federacije gosp. Senad Ahmetović, dostavljavamo Vam sljedeći odgovor:

Na osnovu pročitanog neautoriziranog magnetofonskog snimka sjednice Doma naroda u kome je sadržano delegatsko pitanje, nismo sa sigurnošću mogli utvrditi smisao pitanja uvaženog poslanika gosp. Senada Ahmetovića, ali želimo istaći da Federalno ministarstvo poljoprivrede, vodoprivrede i šumarstva, u okviru svojih nadležnosti, vrši raspodjelu novčanih sredstava iz Budžeta Federacije BiH na osnovu Programa novčanih podrški u poljoprivredi i ruralnom razvoju, Pravilnika o načinu i uslovima ostvarivanja novčane podrške po modelu poticaja proizvodnji („Službene novine Federacije Bosne i Hercegovine“ 32/21 i 46/22); Pravilnika o uslovima i načinu ostvarivanja novčanih podrški po modelu ostalih vrsta podrški i Pravilnika o uslovima i načinu ostvarivanja novčanih podrški po modelu ruralnog razvoja. Navedeni Program se donosi svake godine, na osnovu Zakona o novčanim podrškama u poljoprivredi i ruralnom razvoju („Službene novine Federacije BiH“, broj 42/10 i 99/19); u kojem su propisane mjere za tekuću godinu. Dakle, ovo Ministarstvo u skladu sa pomenutim Zakonom, Pravilnicima i Programom vrši raspodjelu sredstava u vidu novčane podrške za poljoprivredu i ruralni razvoj na teritoriji Federacije BiH, gdje su jasno propisani uslovi i kriteriji na osnovu kojih se ostvaruje pravo na novčanu podršku.

Program novčanih podrški u poljoprivredi i ruralnom razvoju radi se prema odredbama Zakona o poljoprivredi („Službene novine Federacije BiH“, br. 88/07, 04/10, 27/12 i 7/13 i 82/21), Zakona o novčanim podrškama u poljoprivredi i ruralnom razvoju („Službene novine Federacije BiH“, br. 42/10 i 99/19) i Zakona o izvršenju Budžeta Federacije BiH za tekuću godinu, principima Srednjoročne strategije razvoja poljoprivrednog sektora u Federaciji BiH 2015.-2019. godina, čija je primjena produžena do kraja 2021.godine (Zaključak Vlade Federacije Bosne i Hercegovine V.broj: 267/2021 od

11.2.2021.godine), te na osnovu saglasnosti oba doma Parlamenta Federacije Bosne i Hercegovine. Programom novčanih podrški u poljoprivredi i ruralnom razvoju određuje se godišnji iznos sredstava novčanih podrški, vrste mjera i raspodjela sredstava po mjerama, te opći i posebni kriteriji za njihovo ostvarivanje.

Prilikom donošenja Programa novčanih podrški ministarstvo provodi propisane procedure i postupke provođenja javne rasprave i uključivanja zainteresirane javnosti u proces pripreme Programa u skladu sa Uredbom o pravilima za učešće zainteresirane javnosti u postupku pripreme federalnih pravnih propisa i drugih akata (Službene novine Federacije BiH br. 51/12). Nacrt Programa podrški se objavljuje na web stranici ministarstva radi prikupljanja mišljenja, prijedloga i sugestija zainteresovane javnosti na isti u propisanom periodu.

Pored toga, obavljaju se konsultacije sa resornim kantonalnim ministarstvima nadležnim za poslove poljoprivrede, sa predstavnicima federalnih udruženja poljoprivrednika i saveza, zadružnim sektorom, te sa poljoprivrednim proizvođačima, a svi oni mogu dostaviti svoje prijedloge i sugestije i u pisanoj formi. Nakon provedene javne rasprave Nacrt Programa se dostavlja na mišljenje Odborima za poljoprivrodu oba doma Parlamenta Federacije BiH. Nakon dobijenih mišljenja Odbora za poljoprivrodu, Program se šalje na mišljenje nadležnim institucijama, odnosno Federalnom ministarstvu finansija i Uodu Vlade Federacije za zakonodavstvo i usklađenost s propisima EU. Tako pripremljen Program dostavlja se Vladi Federacije BiH na usvajanje.

Svi pravni propisi i drugi akti (strategije, zakoni, pravilnici, programi i sl.) su javni i transparentni i nalaze se na web stranici ministarstva. Pored toga važno je istaći da klijent putem Farmer portala može pratiti put svog zahtjeva, od same predaje pa do njegove isplate, odnosno odobravanja sredstava novčane podrške.

Nakon realizacije Programa novčanih podrški, svake godine Vlada Federacije BiH usvaja Informaciju o odobrenim transferima za poljoprivrodu Federalnog ministarstva poljoprivrede, vodoprivrede i šumarstva.

S poštovanjem,



Dostavljeno:

- Naslovu,
- a/a.